

敬

一

堂

詩

鈔

敬一堂詩鈔卷十一

混同顧八代文起著

桐城方苞望溪輯

七言律詩

林下

荒園歸掃見蘭蓀更向檐前望遠村抱病獨欣
雙印解參天誰是一心存但須藜杖窮經步從
此繩牀穩夢魂始覺清閒宜歲月草茆何以答

君恩

敬一堂詩鈔

卷十一 七言律詩一

晚節有感

却病心將萬事空白頭偶飲竹齋東謾言廊廟
須廉吏自是田疇任晦翁虛室靜憐天漢月
裘寒畏雪山風請看白鶴歸華表猶在雲端此
顧中

感懷

已知善始更知終不爲人稱一代雄皓髮鏡中
凝夜雪丹心葉上託秋風松棲白鶴還孤立籬
種黃花自幾叢徒羨煙波猶未去持竿何日作

漁翁

慨老

壯志曾懷李藥師
於今垂老歎支離
鏡中白髮愁偏見
霄上丹心夢獨知
寒覩老烏巢舊樹
暖看嫩蕊發新枝
長吟抱膝時瞑目
一任旁人笑作癡

憶舊遊

每欲東山覓舊蹤
不知何日往
扶筇煙霞笑我
塵襟滯魚鳥
輸他野趣濃
嶺上白雲閒
宇宙宅

邊秋水老芙蓉北窗十載空留戀懶漫何須更

夢松

自怡

一臥匡牀祇自怡寧知歲月是何時案頭莫署
通靈陣窗下惟敲絕妙詞倚杖時看雲出岫尋
花偶見客彈棋窺園任我逍遙意攬卷無妨更
下帷

草堂即事

院靜人稀午夢餘焚香煮茗俗情疎搜窮鄴架

心方撤坐破蠅牀意自如不履不衫希古道無
憂無悶樂閒居扶筇時向長空望惟見浮雲日

卷舒

其二

杖藜散步已多年酒殘茶鐺對竹筵明月有情
還照榻白雲無意不離天但知讀易堪酬老何
用還丹更學仙偶遇客來歌古調阿誰句似

臨川

自慨

東山風月想追隨即使囊空亦不飢每擬薄游
多見阻自憐高臥未全怡丹楓霜冷凋秋院黃
菊風多拂晚籬莫謂林泉招隱久淹留但下片
舒帷

清況

幽林清況鶴時隨倦憩繩牀亦自怡藜藿兩餐
堪獨飽煙波一釣任吾之花間理軫吟看鳥竹
裏留賓酌對棋醉起臨風扶杖嘯湖山無處不

相宜

謝客

古今功業不須奇謾說
滇南勒口碑疎懶已邀
賢者諒襟懷豈少達人知
半生勤苦還輸我百歲
清貧更讓誰一掩蓬門終謝客
高眠天地任吾癡

自述簡諸親友

微軀不憚勤勞日久病偏孤

明

聖時芳草但期春暖發蒼松
豈爲歲寒移人情
且看雲生岫世道惟斟酒滿卮
偶爾飛沈何足

論居諸今古有盈虧

偶感

當年兵甲與旌旗路入羊腸更覺岐魑魅半_其

非畏日雷霆一震是乘時理如泥古虛稱傑事
或知幾敢謂奇垂老於今堪寄興舊時幽菊滿

東籬

偶憶東山

山邨邇日正芳菲林壑蒼然草木肥風竹自鳴
彈琴峽煙蘿空掃釣魚磯欲知此地遙相憶更

待何時獨自歸回首寸心安可託孤雲天際本無依

有感

半世奔波歷宦途乾坤垂老一迂儒愁中霜雪容顏瘁夢裏風塵歲月徂青瑣久辭鵠鷺序白頭任作馬牛呼欣瞻朝日葵仍向何假冰心託玉壺

遙憶

龍山他日暮春歸誰把遊人比少微開牖偶然

舒嘯傲栽花不是爲芳菲雲連嶺樹千重秀雨
浥山泉百道飛老去行藏渾是舊心垂葵藿向
朝暉

閒詠

世代簪纓盡珥貂於今高枕老蓬茅卜居先得
需初畫筮仕重逢蠱上爻遲暮更憐花落徑飛
騰猶喜燕歸巢掩扉靜會窮通理豈效楊雄作
解嘲

草堂客至兼携酒饌賞菊有作

籬外何人載酒殼忽驚車馬到衡茅未曾名飲
如彭澤轉覺詩寒似孟郊對菊但增今日興傳
經不負舊時交與君共話當年事却笑樽前似
繫匏

春日詠懷

白頭更愛艷陽天春日遲遲暖几筵出戶看花
勤數步脫冠扶杖息雙肩曾遊巖壑披雲坐入
憶松風枕石眠倘得持竿追少伯一蓑煙雨五
湖船

晚節吟

辭榮藏拙掩柴門僻巷棲遲道自尊寧問仙家
延命術但希儒範立身言貧家原屬宜籜公山口
味還須讓菜根除此固窮無別事逢人惟與話

寒溫

詠懷

窮通世事但由天息慮忘機自坦然悶遣偶增
齊物論日需獨乏杖頭錢謾言空外風雲壯且
數林間草木年靜會古人遺訓在厥中允執是

心傳

其二

一掩柴扉已十年欣逢

盛世臥林泉空山但覺煙霞近枯樹非關雨露偏
五軫琴橫盤石上數聲鳥散落花前凝神不問
寰中事閒枕囊書學懶眠

其三

草堂偃臥有餘情秋聽鳴蟬春聽鶯謀道有閒
吟古月括囊無咎謝浮名天邊遠雁聲時續夜

半孤燈焰尚明憫幅已蒙

仁主諒放懷容我樂殘生

其四

長白之東渤海流餘生久愧乏嘉猷叨

恩殿陞五千日託蔭京城六十秋冠冕久辭南郭
靜兒孫漸滿北堂幽分陰皓首猶堪惜數易繩
牀意自由

雜詠有感

解道二疏得早旋歸林何用李膺船祇因種菊

如彭澤豈爲吟詩似謫仙涉世久懷

知遇日得休尤是拜

恩年草堂春掩容高臥時有鶯聲到耳邊

其二

雨後觀魚笑轍游忽聞鄰右卸危樓波濤歸海
猶干折牛馬從風各兩頭杲杲晴空炎日永
陰夏木綠窗幽虛堂時有涼風至高臥繩身長

似秋

其三

披襟長嘯竹齋東萬木蕭蕭落葉風却惜花香
俄昨異翻憐松色與春同珠離滄海蚌先沒玉
出藍田土已空寄語輕肥當路客不知濟世何功

其四

太阿光射斗牛邊驂嘶風漫著鞭叔子碑存
名豈朽馮唐官罷志彌堅階無芳草呈冬綠院
有梅花帶雪妍宵旰

皇圖 天地久老臣安得不心懸

林下

十載驅馳力已殫今逢

恩宥謝征鞍辭官正爲馮唐老貽繒非關范叔寒
豈笑步兵偏嗜酒曾希散騎更忘餐近來頗得
歸林趣高臥南軒一枕安

潛居

潛居誰道是閒人茆舍偏宜老病身一榦古
天有月半籬殘雪地無鄰酒因肆遠思新釀魔
未詩工笑舊貧却怪子陵多世故披裘仲夏坐

垂綸

偶成

扶杖春林愛夕曛江蘿白芷正芳芬乍明月色
天懸鏡半掩湖光水映雲何用黃梁勞夢寐只
須皓髮寄耕耘傾心徒念如葵藿未有香芹一
獻

君

畱畱吟

秋林風息葉還凋南畱欣登轉寂寥藥餌強扶

衰老日年華遙祝

聖明朝獨知逝水終歸海一任飛鵬遠上霄倚杖
柴門何所見晚來落木更蕭蕭

遇友話舊

閒中逢友話偏長說到存亡倍感傷同學凋零
雙眼淚孤衷牢落滿頭霜銜杯鑑畔奚奴睡剪
燭窗前夜雨涼獨愧放懷猶未得十年抱病以
繩牀

閒居

老去投閒夢亦清此中何用更存誠不須富貴
纏吾足但有琴書伴此生客至花間方掃徑風
來林外遠聞鶯春山心賞渾如畫峰下晴雲一
半橫

遇友話舊有作兼贈

草堂初喜見良朋晚節從容興更增獨愧多年
添白髮共憐此夜對青燈一生短褐由吾著萬
里長風任爾乘岐路亡羊何足怪待瞻健翮自

飛騰

四子吟

老夫久矣臥東山
夢裏高人夜往還
馮翊仙蹤盈海內
廬陵仁術滿塵寰
高君白鹿誠難及
太乙青藜未易攀
四子殷勤頻晤語
知余澹泊逐衰顏

偶吟

白頭笑傲自詠諧
夙夜孜孜孰與偕
每把經書爲日用
還將吟詠作生涯
窮愁掃去方無累
美景招來漫入懷
慰此殘年惟盡興
花間每醉臥

清齋

寫懷

揮汗攤書日每西當年宣聖尚栖栖龍鍾豈欲求聞達愚劣何堪望品題滿宅蓬蒿春寂寂一窗風雨夜淒淒從來未作華胥夢寤寐神凝意不迷

酬故人見過

荒徑軒車久不來扣門君至訝初開乍迎倒屣臨風笑久坐吟詩帶月裁籬下數看新種菊窗

前細認舊裁梅忽言衲子託相問記得花間酒
數杯

雜詠

壤歌鼓腹似堯民不繫虛舟類此身三徑松筠堪適意一生堅白恥言貧谿桃花發留朝露梁燕巢成已暮春獨立空園清夜半月明天遠更無人

答友人

平滇勦粵歷艱辛今日羞言百戰身事業不關

青史註夢魂但與白雲親閒拖杖履行看鳥懶
著衣冠出見人幾卷殘書堪慰老翻嫌渭水昔
垂綸

自得

久謝浮名遠世塵衡門之下可栖身祇因骨瘦
蒼顏古不爲愁多白髮新隨處鶯花堪適意會
心魚鳥解親人閒園別有清疎趣綠竹青松四

季春

自勉

老去偏須更琢磨白頭猶自學吟哦風雲已任
從龍虎花鳥何曾解嘯歌莫損蘭叢春胥蝶常
留燈罩夜憐蛾非關不倦惟強勉講易堂中客
正多

憶東山別墅

草堂抱膝已多年時憶東山景物妍春至龍潭
花似綺冬來冷口雪如綿釣依夏木朝臨水杖
倚秋林暮聽蟬今日情懷徒夢想草廬之畔有
圭田

遇友話舊

戚稜契舊盡離羣說到存亡不忍聞計別多年
如昨日相逢清曉又斜曛眼昏錯認雲中月風
動焉知水上紋老隱茆齋眠榻早因君夜坐話
殷勤

春日

已自潛居萬念消擁書無日不嚙嚙春明偶喜
花三徑月好還酬酒一瓢最愛宵彈琴韻靜翻
嫌曉夢鳥聲饒東園傳說尋芳客不似狂夫獨

寂寥

遙憶東莊

遙憶昔年冷口莊
齋前松柏耐冰霜
閒收林葉供茶竈
吟折籬花貯藥囊
但有雲霞生宇宙
何須筆墨著文章
夜來更訝東山月
偏向京華照草堂

偶感

久臥長安感繫匏
十年未一出東郊
身因老病遵隨象
心爲幽栖守遜爻
夢裏彈棋無勝負
閒

中得句懶推敲放懷天地惟須靜多事揚雄作
解嘲

晚節

得歸畝畝即清閒別有生涯在此間下榻非邀
徐孺子彈棋誰效謝東山常尋藥餌曾銷疾靜
撫琴張自解顏更喜空林人不到扶筇惟見暮

禽還

西安孟佐領見過

中林習靜遠塵囂獨掩柴關任寂寥忽訝客從

千里至翻思別是廿年遙樽前狂語心偏壯鏡
裏愁顏髮半凋只有盤餐留一飯挑燈共坐話
寒宵

雜詠

鄰架空存書五車十年抱病臥煙霞祇緣慮澹
心先老不爲愁多鬢始華冰炭同時難可共權
衡稱物自無差壤歌鼓腹欽

堯日四海承平正一家

其二

謾言垂老久懸車遣興還能賦子虛喪馬勿追
終自返括囊無咎任誰疎股肱亘古推多士喉
舌方今擬尚書回首風雲皆是夢扶筇北望意
空餘

冬日偶吟

孟冬寒氣透重衣曝背窗前愛曉暉瓶罄虛聞
新釀熟囊空不畏古腸饑厨煙如線爐還冷硯
水成冰筆謾揮吟看牆陰殘雪在梅花數點映
柴扉

雜詠

洛陽耆老會心處舊是擁書敬一堂客至偶扶人答拜詩成但覺筆同忙青藜已自宵曾照白眼非關酒助狂寄語長安遊宦侶濯纓濯足水滄浪

憶合營臺別業

白頭但想身安處寧間遼陽與洛陽司馬布衣親邵子管寧皂帽隱繩牀遊山玩水無妨老肆志逃名豈是狂地僻途迂人不到白雲深處一

茆堂

敬一堂詩鈔卷十一

敬一堂詩鈔卷十二

混同顧八代文起著

遼海盛 安仰山輯

七言律詩

誠王枉駕草堂

靜掩柴門玩物華
每將雲岫比煙霞
敢勞冠冕天潢派
來訪蓬蒿野老家
澹泊杯中惟有茗
幽棲窗外更無花

賢王不怪疎狂叟
對坐談經日已斜

庚辰歲杪蒙

恩准休志惑

銷磨三度歎秋霜
形影相憐在草堂
誰解丹心慚莫報
獨知白髮願無疆

朝廷未少都俞美
宇宙長懸日月光
從此蒙

恩羈勒外藜牀鼓腹樂陶唐

歸林

得臥林泉意自如
徜徉日月任居諸
絲絲白髮多於舊
耿耿丹心滿似初
貧病年來身已慣
門

庭老去世應疎久居更有煙波趣十畝閒閒好
荷鋤

其二

老去人間萬事疎看他塵世更何如謾言得失
吟烏有豈爲榮枯賦子虛歲月但能酬洞壑天
淵應不礙鳶魚杖藜歸臥東山下只許清風入
隱居

偶思當年際遇不禁心感有作

生主乾剛滅羯胡孤臣委曲贊嘉謨

君明已恕王陵慙世泰應非甯武愚蘭省敢言曾珥
筆春曹深愧舊稱儒依檜望

關心猶切鼓瑟閒園那自娛

逍遙仙

頗羨西江百歲人逍遙磊落不羈羣長安賣藥
誰能識方外狂言世厭聞非道非僧無定止云
儒云俗任岐分何年獨上崑崙頂脚下芒鞋蹋

白雲

林下雜詠

多年勞瘁宦遊人今日歸林作隱淪啼鳥倦飛
還舊樹荷衣春暖脫綸巾喜聞傳說煙霞趣愧
聽旁言骨梗臣四海一家蒙

聖德歌衢還似帝堯民

其二

鄭崇事主竭心神事切民瘼委曲陳敢道二疏
還解綬更思十哲自安貧蕭疎未闢蓬閒路懶
慢由他几上塵抱膝長吟忘歲月花開庭院始

知春

其三

歸臥高林漫幾年，聊將棐几比瓊筵。
白衣送酒非看菊，皂帽欹牀欲聽鶲。春雨初晴人自種，
晚雲乍散月高懸。案頭書卷時還理，一半閒身了病緣。

其四

平生辛苦是非中，垂老歸來但固窮。喜我家貧無一物，由人廐富有千驰。遊魚但解池塘廣，飛鳥焉知宇宙空。雲自卷舒天自靜，何時不與此。

心同

答友

高臥人間歲月餘
那能詳細作君書
罷官爲病原非隱
謝客緣貧豈是疎
盡典朝衣終乏米
遍尋涸轍更無魚
浪傳問字揚雄宅
自笑何曾賦子虛

自憐

夙昔春卿今逸民
自憐一代慙愚臣
丹心空擬酬

明主白首終教作散人但有薄田堪度日敢期厚祿
更榮身歸林因與煙霞近非掩蓬門遠世塵

遙憶徐我純

東西南北路猶奢憶爾談詩過我家王粲舊來
曾倒屣馬鈞老去漫翻車殘書滿架還堪閱新
釀盈樽不用賒欲共君歡君不見老夫一倍感

年華

衰景

終年抱膝寄巖阿一任光陰似擲梭時向檐前

扶短杖偶行花下坐長歌水知山上爻逢蹇詩
託貧中老更魔獨有兒孫堪比富膝前舞綵廿
三多

儀兒東歸

屆期堪去奈如何倚杖相看發浩歌巢燕時銜
泥漸累園葵盡拔意空多鶴歸解向遼東遠緩
解翻憐薦北過只當吳門爲市卒飽參經史莫

蹉跎

何麟臺南遊始旋

報道子卿返曲阿相逢依舊醉顏酡劉囊揶鬼徒稱罕靈術知君實不多琴上新聞歸鶴操欄邊聽飯牛歌南州風景頻頻話坐想雲山意若何

臯月小酌

兒孫繞膝捧流霞却視班衣意自賒好避炎蒸深樹屋久甘澹泊野人家古稀客頌靈椿壽鶴髮誰欣解愠花醉後思餐塵外味盡言火棗大如瓜

其二

不須尊菜與鱸羹
白墮黃蘿可適情
西嶺日沈人半醉
北堂客散月初明
酒因仲夏杯宜冷
茶到殘宵味更清
回首靜觀天地闊
詩書幾卷樂吾生

偶吟

祇因拙劣早還鄉
身自清閒菊自芳
暢飲頗能消俗慮
漫吟何用索枯腸
楓林葉老紅如錦
階月光鋪白似霜
只爲龍鍾無箇事
衰殘懶據讀

書牀

徐司空六齋見過

少小同袍若比肩廿年濶別鬢蒼然遊山幾醉
三春日倚柱頻吟八月天常袞功成思舊業二
疏老去寄荒田相逢更覺情無限夙昔風光似
眼前

溫少司馬見過

春光澹宕戶常扃司馬乘車到草亭老去更親
頭共白名成不負眼同青鶯聲到耳聽偏靜花

氣侵牀坐久馨惟有烹茶供話舊每談刻日下
西庭

仲春溫少司馬見過同蕭鍊師觀雪

瑞雪雰雰遍四郊行人留跡鳥棲巢緣期司馬
來相訪敢促驅雞共解嘲自是春風吹柳絮非
關夜月映松梢懸知卜歲蒼生喜今日尤欣醉

草茅

夏日草堂即目

夏日炎蒸坐草堂北窗風至簾還涼半池荷葉

初呈綠五月榴花未有香扇拂青蠅心不競盤
盛冰藕味何長午間揮汗難開卷徒倚庭陰竹
樹旁

草堂漫詠

十年林下抱孤澄夜臥匡牀獨伴燈衰病但思
金石藥灰心漫比玉壺冰竹間月靜琴方理花
上風搖露未凝三五曉星明且暗忽看朝日已

東升

壬午偶感

鬚眉皓白似霜侵筋骨衰殘病不禁懶漫只須
甘澹泊涓埃何以報

高深春看雙燕營新壘暮聽羣鴉噪舊林百歲風
光渾若此漫言詩酒慰吾心

送及門史西廬回潮陽

紫髯曾記事從戎萬里馳驅數載同未使姓名
書竹帛翻教坎壈困英雄吳鈞爾佩人間少絳
帳余慚復內空執手彭宣猶未老慎無樂志隱

山中

其二

舟車幾月到羊城去路江湖萬里程柳陌春風隨鳥散海天曉日共潮生別離有約還相見衰老難期更感情歸臥羅浮無限意百年懷抱向誰鳴

丁亥春日

三徑芬芳草漸肥遲遲春日一庭暉窗明几淨幽閒趣魚躍鳶飛活潑機操已豈知人倚勢甘貧誰與世相違檐前向暖扶筇立不憚東風吹

敝衣

其二

高飛燕雀喜晴空獨臥繩牀久固窮滿案詩書
銷永日一園花木度和風陰崖未解春光遍駒
隙偏知淑景通但使埋輪容老病五湖煙水讓漁翁

丁亥菊月同友人南窗對月

月明風靜喜留君吟坐南窗一雁聞霜冷林時
低墜葉年衰志豈上凌雲竹爐火煖茶方熟銅

鵝香消酒半醺更愛蟾輝簾外步籬邊折菊共

清芬

偶吟

謾言盈滿忌傾欹轉見無才世所宜時雨任滋
芳草色嚴霜不礙古松姿理明已勝百朋賜體
健方教五子怡更抱曾孫堪慰老朝來每喜自

含飴

文端公生五子曰儀儼侃偁僖有孫二十
餘人惟儼之子琮與偁之子璠侍公

側讀書琮子世衡爲公鍾父是謂抱曾
孫含飴也余傳世衡之子鑑得讀公詩
知之最切海陽後學翁照謹記

戊子春日偶成

春風一樣到貧家不笑愚翁兩鬢華遲暮懶除
三徑草陽和自放滿園花但能聞道酬千古何
用藏書積五車信杖扶來吟幾句乾坤無臭水
無涯

其二

潛居僻巷靜無喧更少輪蹄到草門扶杖有時
臨曠野拈囊無悶隱荒園案頭常喜書千卷花
下空思酒一樽身似閒雲狗所礙或行或止寄
南軒

其三

半世囂囂一逸氓數椽茅舍寄吾生卷簾每覺
乾坤濶欹枕焉知歲序更糗飯藜羹皆得味里
居巷處久忘情詩忙不獨閒花鳥窗映清光月

又明

戊子偶感

抱病由來久絕交非關高尚隱蓬茅能凝只在誠兼理善結何須漆與膠薄劣易爲林下計衰殘宜遇遯終爻無端更見銜泥燕頻向梁間補舊巢

其二

塵機已息道心凝何事寒灰伴古藤藥裏豈能消痼疾茶鎗偶爾待閒僧硯耕自賦花兼鳥田獵誰稱犬與鷹但使澄懷清若水不妨絹素點

青蠅

戊子天中節

草堂招客飲流霞牆畔輕陰柳半遮戶外翠懸
皆艾葉階前紅滿是榴花汨羅感世空相弔角
黍沈江莫更嗟頭白但將書作業青門休種邵
平瓜

戊子秋日偶成

清秋潦倒臥茅堂細雨微風送晚涼檐溜未添
三逕水杞憂空滿九迴腸池中花盡荷千葉天

際聲多雁幾行覩上生塵何足異由人笑我老

詩狂

戊子秋抱病有感

長夜無眠歎此生一燈獨對數殘更自知蒲柳
先零落仰賴乾坤奉

笙明

宵旰每聞勤萬事

朝廷應不乏諸卿夜來更驗承平象起向高天望
玉衡

戊子秋闈贈王九我

遺範由來作士型 合淝山水毓奇靈
文章富麗推南國 詞賦清新擅北庭
桃李谿邊誰更茂 蕙蘭畹上獨爲馨
門牆寂寞無多客 好待秋風刷羽翎

戊子書懷

謬爲喉舌愧寅清夙夜孜孜事

聖明固執原非能釣譽
憇愚那得更干名已蒙

知遇寧緘口再造

殊恩但竭誠一臥十年親藥餌龍鍾何以慰平生

戊子冬抱病

囊空久已乏參苓天地無心任委形自放疎懷
安壽命長甘澹味蓀遐齡送窮應不希韓愈抱
道還須學管寧好待病痊欹枕坐更堪皓首獨

窮經

送吳大璿揖之山右

駐飲貧家匏子卮春風何事又分離營州雪滿
愁臨處函谷花開夢到時莫以萍蹤輕後會還

堪浪跡重歸期。關山此去情無限。別後吟詩正

可思。

送周少逸之汝南

去矣春風白。鼻騶行行無復戀。京華西山何處不生草。南國此時將落花。魚在汝旁合。頰尾犬聞江表多交牙。離杯岐路送周建。從此吾徒天一涯。

燕臺重晤史西廬兼讀感懷和韻詩十章

有作

京華重晤見新詩託意江蘿類楚詞情奪四愁懷子淚調高八詠望鄉悲舊來司馬情空在老去春曹事莫疑况復

朝廷多雨露勸君且謾歎鬚眉

秋日檢點舊草偶憶法遜菴盧山斗不勝

感傷

白頭臨水盡如霜每遇秋風倍感傷醉後還思清酒聖夢中空覩老詩狂北山高士遺蹤杳南郭先生舊業荒回憶當年談笑處殘篇檢讀淚

敬一堂詩鈔

卷十二

詩古

沾裳

敬一堂詩鈔卷十二

敬一堂詩鈔卷十三

混同顧八代文起著

長洲沈德潛歸愚輯

五言排律

登望仙坡謁五公祠有感

并序

宋蘇緘知邕州時交趾入寇城陷闔家
焚身死難狄青余靖孫沔明王守仁皆
撫鎮蠻彝立功伐安民社後人思慕因
立五公祠于望仙坡春秋祀焉

朝代相更替遺芳在至誠欲知今日蹟正見古
人情交趾頻來寇邕州已陷城焚身因報國殉
難獨成名宴客謀方定奪關事已平宣威經畧
久佐鎮海洋清諸子皆扶宋守仁獨保明五公
祠外水嗚咽爲誰鳴

鎮南軍行紀事

解圍初把臂協贊共推誠已試多吾算還須視
彼情智仁推獨步勇信冠羣英必使如心腹方
能共死生撫蠻陳上策秉節率南征甲從三千

騎麾旄十萬兵送軍馳柳郡上疏守梧城築壘
兼挑塹藏戈并掩旌夜排諸葛陣畫整亞夫營
不獨爲留後滇池可蕩平

邕江橫城畫策并序

夜與麟公熟算決機定策明日上疏進
勦滇南一出橫州渡鬱江諾濂抵新村
遇僞將軍吳世琮擊敗之隨傳檄恢復
百城一出焜崙關越賓州戰于陶登來
賓破范齊韓擒馬承廕收兩粵

定策邕城夜決機八陣中風雲隨陣變虛實假
形同草疏朝芳上囊籌暮議攻破堅惟氣勝克
衆在心雄兩路人如鐵三軍馬似風世琮亡背
水承麾叩元戎百粵城全下齊韓壘已空滇南
堪進取無處不相通

遣間

孫子傳遺策微乎用間謀相機時未啓乘隙餌
先投真僞審虛實行藏隱去留改妝宜混跡變
語類同儔風雨休辭瘁勲名正可求奇功需壯

士介子晉封侯

漢城晚眺

梁信軍機曠懸城眺晚晴懸巖垂倒影空谷應虛聲山勢環林密波光蕩日明雲邊孤鳥度花外幾人行獨立千峰暮誰憐萬里情請看今夕

月依舊照孤清

再哭蟒鎮南

聞外星方隕軍民無不哀柵雲如覆蓋天樂似輕雷像入仙坡廟名傳將隱臺孤魂歸碧落衆

淚灑青苔書帛名千古還鄉土一坏倚門親尚
在萬里夢空回

其二

將帥思英傑

朝廷憶股肱百身終莫贖萬里更何憑平樂推忠
信蒼梧仰智能邕江殲上將偽將軍吳世
琮敗績自刎梧郡
繫窮鷹擒逆將
馬承廢先事知成敗活人感廢興招魂

今夜淚空對一孤燈

自盤坤村遊妙高寺

息兵尋淨土乘興歷巔峩僕從頻纏履驛數
整鞍九盤環寶刹一徑入仙壇澗谷成幽賞峯
巒定大觀巽坤山水結乾艮虎龍蟠以自荒村
過征人處處看

盆中浮萍

一器如江漢浮萍任所之寸魚猶可躍勺水便
盈池有餌誰能下無波轉自怡獨能成芥末何
用借根基得迤塵堪避因盆緣不移可憐湖上
藻終日被風吹

讀易

孤燭心空夜草堂讀易時澤風其大過地火乃
明夷應志順之動省身退以思中孚堪自化无
妄復何疑魚不及賓姤車偏載鬼睽精研多歲
月終愧未前知

禁中侍讀

帝子天潢派

彤宮有杏壇五車標玉軸二酉出

金鑾德本由心立行將踐禮端文章超世易忠恕

省身難

聖主達師傅微臣忝備官抒誠傾所蘊敢謂此軀殘

禁中侍讀又作

彤廷侍

帝子一紀又三年八政從堯訓寸陰自禹傳茶香
仙掌露衣馥御爐煙賈誼言還切仲舒學不偏
莫教身染垢須使志希賢禮以和為貴行當孝
作先

皇輿乾德健碧漢寸心懸謹慎知臣素蒙

恩屢宥愆

偶成

盥手觀周易臨風誦二南嶺雲難可掇井李未
爲貪邀客逢三徑趨庭有五男已從長卧隱不
復更高談曳履偏多憇傳經久自慚

天潢超世學青豈出于藍

述懷

放懷猶未得卧病意空深鶴髮悲青鏡霜華感
舊林飛飛巢燕去唧唧砌蛩吟陋巷無朱履衡

門有素琴祇因憑百藥那得惜分陰添祿多慙愧何由慰此心

紀遊

抱疾虎頭客衰顏鶴髮翁登臨時坐石杖履數
臨風垂釣清溪側鳴琴夜寺中兩鶯啼樹上一
蝶入花叢興豈東山異樽應北海同招僧相共
飲一笑萬山空

春日咏懷

東園聊寓目春氣淨吾心鳥語酬新句松聲入

古翠種花三逕密栽柳一亭深病使青樽減愁
邀白髮侵何須懷寸璧但解惜分陰誰爲隆中
起不因抱膝吟

草堂漫詠

杜門經十載吟卧草堂中南畝荒春穗北窗枕
夏風新蟬聲偶響枯竹逕偏通揚子悲岐路蔡
公惜爨桐穿牀終自異抱膝復誰同若問殘年
事心澄萬慮空

贈省齋

淵博如平子高風繼太丘
髫齡稱國器弱冠上瀛洲
學術開千卷聲聞播九州
因懷扇枕念更慰倚門愁
萬里泥丸達一身圈獄囚
荒荆蘭蕙郁蜃市夜光浮
廟算方平逆鄉人轉作仇
網開三面日流逾五星秋
獨遣遼東去誰將冀北留
青蠅如可滌白璧更堪求

聖主

時巡狩詞臣謁冕旒獻詩成百韻作賦勝千籌
後載非璠叟前驅豈崩侯已登天祿閣莫上仲
宣樓侍讀誠

王
府
依
然
類
海
鷗

白雲山半圃居士

一圃孤崖畔白雲任去留箇中高隱士物外更
何求半畝惟栽菜數畦不用牛忘機時抱甕臨
水偶看鷗放曠原無事清閒可自由此身何所
似江漢一虛舟

獸樂園

半畝不毛地我偏稱小園會心寧在遠獨樂自
忘言東北還丹室西南演易軒露葵三五本霜

菊十餘盆門外無人扣簷前有鳥喧悠然城市
裏猶似臥荒村

寄英臺山人

高士復何意潛踪讀午莊山深塵事遠風細鳥
聲長籬菊春誰種園蔬晝自嘗詩雖千首富機
已十年忘雲斷峰如畫花流水有香他時吾亦
隱相與話行藏

遙憶紅螺嶺

古洞房山曲唐時此避兵十尋懸鐵鎖一線透

崖閣茅屋閒容榻喬林飽聽鶯草花偏引興樹
果更怡情數畝天爲蓋四圍石作城此中堪自
隱何事爲逃名

乙酉仲春有感因題敬一堂壁

萬類從元化支分忽逕庭直尋悲枉尺清渭感
渾涇大塊原無異羣生各有形乾將元作首坤
以順爲靈木槿難終日喬松可永齡拙愚非國
器衰老豈邦屏春仲宜扶杖堂幽可讀經蕭然
空四壁偶爾寫西銘

慨老

省身知已過衰老易違仁夜卧虛言寐朝興懶見人一爐常畏冷四季最宜春對客多重語看花每出神松心林下古鶴髮鏡中新扶杖行猶褰鶡衣未甚貧

述舊

弱冠讀經史胡爲事遠征揮戈追定國從帥靖滇城榮廕非投筆箕裘未請纓還都遷選部作賦擢登瀛三桂逆天叛

九重發大兵妖氛圍上將參贊委書生

時靖鎮南被圍命

公參贊軍務至日圍解一自單車去獨從萬里行機宜因合算功伐偶然成以此堪歸隱誰知更作卿今朝欽

聖世林臥慰愚情

龍鍾

獨盡平生志難酬

聖主恩致君身已老曳履跡空存歲月閒看易風花
病減樽漫愁無舊業還喜有荒園一步須扶杖

百年但閉門龍鍾今愈甚何以答乾坤

晚節吟

介石幾猶在勞謙業有終蒙

恩羈勒外得隱戶庭中書枕宜衰病繩牀慰老翁
誦詩寧博識讀易未旁通濃澹情偏異飛沉跡
不同花邊扶短杖檐際眺長空靜愛松間月清
憐竹裏風凝神時獨坐心曠意何窮

閒坐北窗因征南故人偶談舊事

北窗風漸至閒坐有餘清偶遇征南客偏多感

舊情孤懷紅畫策虛譽愧干城但繼先人志誰圖後世名返躬須盡性濟物在存誠久削當年跡心空萬事平